



Број/Број: 03-/4-50-1-10-24-15/9  
Сарајево/Сарајево: 16. 4. 2009. године

## **Z A P I S N I K**

### **24. сједнице Заједничке комисије за европске интеграције Парламентарне скупштине БиХ**

Сједница је одржана 16. 4. 2009., с почетком у 11 сати.

Сједници су присуствовали чланови Комисије: Halid Genjac, предсједavajući, Ivo Miro Jović, први замјеник предсједavajućег, Drago Ljubičić, други замјеник предсједavajućег, Alma Čolo, Milica Marković, Šemsudin Mehmedović, Zoran Koprivica, Hilmo Neimarlija i Selim Bešlagić.

Rudo Vidović, Branko Dokić i Azra Hadžiahmetović оправдали су одсуство.

У име представника Вјећа министара БиХ - Дирекције за европске интеграције БиХ, сједници су присуствовале Maja Rimac-Bjelobrk, из Одјела за стратегију, и Nada Bojanić из Одјела за координацију помоћи ДЕИ-а, из Агенције за сигурност хране БиХ Sejad Mačkić, директор, и Zoran Đerić, замјеник директора Агенције. Сједници су присуствовали и представници Мисија ОСЦЕ - а у БиХ, као и представници медија.

Присуствовале су и Vlatka Dangubić, секретар Комисије, и Vladana Lučić, стручни сарадник у Комисији.

Комисија је једногласно усвојила слjedeћи

## **DNEVNI RED**

1. Usvajanje Zapisnika 23. sjednice Komisije;
2. Razmatranje Prvog kvartalnog pregleda realizacije aktivnosti iz Akcionog plana za realizaciju prioriteta iz dokumenta Evropsko partnerstvo s BiH“i „Izveštaja o stanju provođenja obaveza iz Privremenog sporazuma i SSP-a;
3. Razmatranje Inicijative za uključivanje 16 općina, regija Centralna BiH u IPA CBC – program prekogranične saradnje;
4. Razmatranje stanja u zakonodavstvu i infrastrukturu u oblasti sigurnosti hrane;
5. Tekuća pitanja;

### **Ad. 1. Usvajanje Zapisnika 23. sjednice Komisije**

Zapisnik 23. sjednice Komisije usvojen je jednoglasno.

### **Ad. 2. Razmatranje Prvog kvartalnog pregleda realizacije aktivnosti iz Akcionog plana za realizaciju prioriteta iz dokumenta Evropsko partnerstvo s BiH i Izveštaja o stanju provođenja obaveza iz Privremenog sporazuma i SSP-a**

Nakon uvodnog izlaganja Halida Genjaca i provedene rasprave u kojoj su učestvovali svi prisutni članovi Komisije, sa osam glasova "za" i "suzdržanim" glasom drugog zamjenika predsjedavajućeg Drage Ljubičića, usvojeno je sljedeće

## **MI Š L J E N J E**

### **o Prvom kvartalnom pregledu realizacije aktivnosti iz Akcionog plana za realizaciju prioriteta iz dokumenta Evropsko partnerstvo s BiH i Izveštaju o stanju provođenja obaveza iz Privremenog sporazuma i SSP-a**

Vijeće ministara BiH je na 79. sjednici, održanoj 5.2.2009., na prijedlog Direkcije za evropske integracije BiH, razmotrilo i usvojilo dokumente:

- Prvi kvartalni pregled realizacije aktivnosti iz Akcionog plana za realizaciju prioriteta iz dokumenta evropsko partnerstvo s BiH,
- Razrada Akcionog plana za provođenje Privremenog sporazuma i Sporazuma o stabilizaciji i pridruživanju i Izveštaj o stanju provođenja obaveza Privremenog sporazuma i SSP-a,

i dostavilo ih je Parlamentarnoj skupštini BiH na razmatranje.

Kolegij Predstavničkog doma je dopisom broj 01,02-06-369/09, od 31.03.2009., zatražio mišljenje od Zajedničke komisije za evropske integracije o navedenim materijalima koji su planirani za razmatranje na zajedničkoj sjednici oba doma Parlamentarne skupštine BiH.

Zajednička komisija za evropske integracije razmatrala je navedene dokumente i usvojila sljedeće zaključke:

### **I. O prvom kvartalnom pregledu realizacije aktivnosti iz Akcionog plana realizacije prioriteta iz dokumenta Evropsko partnerstvo sa BiH**

(Radi se o pregledu aktivnosti tokom protekle 2008. godine, odnosno aktivnostima iz Akcionog plana kojima rok ističe zaključno sa 31.12.2008.)

- a) Akcioni plan i pregled aktivnosti sačinjeni su temeljito, s preciznim mjerama, rokovima i izvršiocima;
- b) Prema analizi Pregleda aktivnosti, od planiranih 210 mjera, u cjelini je realizirano 99, polovično 38, a ostale mjere nisu realizirane. Ukupno je realizirano oko 50% od planiranog;
- c) Za 81 aktivnost u Pregledu aktivnosti naveden je rok različit od roka navedenog u Akcionom planu;
- d) Jedno poglavlje iz Akcionog plana, koje se odnosi na WTO i sadrži tri mjere kojima je rok za realizaciju istekao 31.12.2008., izostavljeno je iz Pregleda aktivnosti;
- e) Od Vijeća ministara BiH zahtijeva se da u narednom periodu nadoknadi kašnjenje u realizaciji planiranih aktivnosti i otkloni navedene nedostatke;
- f) Uz navedene primjedbe, Komisija je jednoglasno podržala Pregled aktivnosti i uputila ga u daljnju parlamentarnu proceduru.

### **II. O Izvještaju o stanju provođenja obaveza iz Akcionog plana za provođenje Privremenog sporazuma o stabilizaciji i pridruživanju za period 1.7.2008. do 31.12.2008.**

- a) Akcioni plan za provođenje obaveza iz Privremenog sporazuma sačinjen je temeljito s preciznim rokovima i u velikoj mjeri je realiziran;
- b) Uz preporuku da se poglavlje vezano za približavanje zakonodavstva BiH *acquisu* Zajednice razradi u sljedećem izvještaju, Komisija je jednoglasno podržala Izvještaj i dostavlja ga u daljnju proceduru.

### **III. O Akcionom planu za provođenje obaveza iz Sporazuma o stabilizaciji i pridruživanju**

- a) Akcioni plan nije temeljito razrađen i sadrži samo poglavlja prepisana iz Sporazuma o stabilizaciji i pridruživanju;

- b) Komisija preporučuje Parlamentarnoj skupštini BiH da zatraži od Vijeća ministara BiH što hitniju izradu temeljitog, integralnog akcionog plana za provođenje obaveza iz Sporazuma o stabilizaciji i pridruživanju s precizno definiranim obavezama, rokovima i izvršiocima. Ovaj zaključak usvojen je većinom glasova.

**IV. Komisija daje preporuku PSBiH da izmijeni zaključak o dostavljanju Izvještaja o provođenju prioriteta iz Evropskog partnerstva i obaveza iz Sporazuma o stabilizaciji i pridruživanju, tako da umjesto kvartalno, Vijeće ministara BiH te izvještaje podnosi šestomesečno, zbog tehničkih razloga.**

### **Ad. 3. Razmatranje Inicijative za uključivanje 16 općina, regija Centralna BiH u IPACBC – program prekogranične saradnje**

Šemsudin Mehmedović je u uvodnom izlaganju predstavio Inicijativu koju je pokrenula REZ, agencija za Centralnu BiH, da se regija Centralne BiH, kojoj pripada 16 općina, uključi u IPACBC - program prekogranične saradnje. U cijeloj BiH jedino ovih 16 općina ne učestvuje u CBC programu, jer ekonomska regija Centralna BiH ne graniči ni s jednom od država koje su uključene u ovaj program, a to su: Hrvatska, Srbija i Crna Gora.

Članovi Komisije upoznati su s pismom koje potpisuju premijeri Zeničko-dobojskog i Srednjobosanskog kantona, te 16 načelnika općina iz regije Centralna BiH, a koje je upućeno Špiriću, Topčagiću i Korkoulasu. U tom pismu navedeni su brojni argumenti, koji bi trebalo da omoguće ovoj regiji da učestvuje u pomenutom programu. S obzirom da Direkcija za evropske integracije BiH trenutno radi reviziju do sada učinjenog na provođenju IPACBC u BiH, ovaj proces predstavlja idealnu mogućnost da se Centralna BiH uključi u program.

Jednoglasno je usvojen zaključak da se ova inicijativa podrži i da se uputi dopis Vijeću ministara BiH i Direkciji za evropske integracije BiH da, diplomatskim putem, preduzmu potrebne mjere kako bi se Centralna BiH priključila jednoj od pograničnih regija.

#### **Ad. 4. Razmatranje stanja u zakonodavstvu i infrastrukturi u oblasti sigurnosti hrane**

Halid Genjac upoznao je prisutne o projektu „Razvoj zakonodavstva i infrastrukture kvaliteta za sigurnost hrane“ čija je osnovna komponenta podrška institucijama BiH na uspostavi efikasnog sistema sigurnosti hrane koji bi trebalo da se zasniva na legislativi utemeljenoj na zahtjevima WTO-SPS i TBT Sporazuma i poglavlja 4.12 Sigurnost hrane, veterinarstvo i fitosanitarna politika neformalnog *Acquis* vodiča EC za treće zemlje, finansiranog od švedske organizacije SIDA. Predsjedavajući je predložio predstavnicima Agencije za sigurnost hrane BiH, koji su prisustvovali sjednici, da Komisija za evropske integracije inicira sastanak na kojem bi učestvovali predstavnici resornih parlamentarnih komisija, predstavnici Agencije za sigurnost hrane BiH, predstavnici Ministarstva vanjske trgovine BiH, kao i predstavnici organizacije SIDA, a na kojem bi bila razmatrana pomenuta pitanja iz ove oblasti.

#### **Ad. 5. Tekuća pitanja**

- a) Predsjedavajući je upoznao članove Komisije sa Izvještajem sa IV. konferencije parlamentarnih komisija za evropske integracije država obuhvaćenih procesom stabilizacije i pridruživanja Jugoistočne Evrope (COSAP), koja je, 27. 3. 2009., održana u Crnoj Gori, kao prvi tematski dio Osmog sastanka Cetinjskog parlamentarnog foruma (CPF), izvorne inicijative Skupštine Crne Gore. Izvještaj sa IV. konferencije COSAP-a kao i tekst Zajedničke izjave ranije su dostavljeni članovima Komisije.  
Izvještaj je jednoglasno usvojen.
- b) Predsjedavajući je predložio da realizacija javnih tribina, u saradnji s Programom podrške parlamentu Misije OSCE-a u BiH, na kojim će javnost biti upoznata sa radom Zajedničke komisije za evropske integracije PSBiH i putem BiH ka evropskim integracijama, počne krajem aprila 2009.

Sjednica je završena u 13 sati.

Predsjedavajući  
Zajedničke komisije  
Halid Genjac



